

**Iroun Beretitenti
Dieter F. Uchtdorf**

Kauoman ni Kauntira n te
Moan Beretitentii



A nakonako i nanon te Mronron

Ko a tia n ongo te taeka n rabakau are aomata aika a bua a tara n nakonako i nanon mronron? Jan L. Souman, te tia rabakau mai Tiaman, n aroia ao aia mwakuri aomata are e tangiria ni kakaea n te rabakau n tiaenti ngkana e bon koaua aio. E kairia aomata ake e na karaoaki iai te kakatai aio nakon te aono ni buakonikai ae bubura ao nakon te rereua ae te Sahara ao ni kamanena te GPS ni kaota te kawai are a toua. Akea aia kaombati ke bwaai riki tabeua. Kaetieti nakoia a bon bebete: nakonako n te rain ae eeti n te kawai ae kaotaki.

Dr. Souman imwiina e kabwarabwara terana ae riki “[Tabeman] mai buakoia a nakonako n te bong ae uanganinang, ma taai ae raba i akun taian nang [ma n akea te tabo are e na tuangiia bwa a mena iaa are a nooria]. . . [Ngaia] ni kabane a nakonako i nanon mronron, ma [tabeman] mai buakoia a okiokiri n toua oin kawaia n aki ataia.” Naake tabeman a nakonako ngke taai e oota, ma taabo ake a na kairia a nooraki. “Aikai . . . a ira te kooti ae e bon rangi n eti.”¹

Te kamatebwai aio e a tia ni kaokiokaki irouia tabeman ma mwakuriana ae kaokoro.² Ni kabane a bane n oki ma mwiina ae titebo.

N akean mwaaken te aba ae kinaaki,aomata a tara n nakonako inanon mronron.

Te Tia Kaota kawaim ni Booki aika Tabu

N akean te tia kaota kawaim n te maiu n tamnei, te botanaomata a bon tiotio naba. N akean ana taeka te Atua, ti nakonako i nanon mronron.

Ni kauakoraki n aron te aomata ao te botanaomata, ti noora te banna aio n okioki ni boong nako man moan te tai. Ngkana ti kabuua ara reitaki ma ana taeka te Atua, ti na taraa ni bua.

Aio bon bukina ae e aki kananououa are te Uea e tuanga Riaai ni kaokiia natina mwaane n okira Ierutarem ibukin bwaatua buraati. Te Atua e ataia bwa kanoan Riaai a na kainnanoa te tia kaota kawaia ae onimakinaki—taabo aika a na kairia—are e na katauraoa te tia kairia are a na kona ni kamanena bwa a bon eti kawaia.

Koroboki aika tabu bon ana taeka te Atua. Bon ana tia kaota te kawai te Atua ake a kaota te kawai are ti riai n toua bwa ti aonga ni kaniaki riki n tamneira nakon ara Tia Kamaiu ao ni karekei kouru aika tau.

Te Tia kaota te Maungatabu ni Kabuta

Kaetieti ake a kanakoaki n tain te maungatabu ni kabuta bon taan tia kaota te kawai teuana are e kona ni buokiira bwa ti na ataia bwa e eti kawaира.

N tabetai ao I bon titirakinai, “I bon kakauongo na-kon taeka ake a kanakoaki irouia mwaane ao aine ake

a taetae n te kabanea ni maungatabu ni kabuta man te Ekareti? I a tia ni warekia ao ni wareki riki aia taeka? I a tia n iangoia raoi ao ni kabonganai nakon maiu? Ke I a tia n tii ni kukurei n ongoraai ao n aki kammwakura nanoia aika tabu i nanon maiu?"

Ko kona n am tai ni kakauongo ke ni wareware, ko korobokiia taekana ke uoua. Tao ko karaoa tabem bwa kona karaoi tabeua bwaai ni katamaroai riki ke ni kaokoroa. Tii iangoi rongorongon te maungatabu ni kabuta ae tibwa nako. A batu rongorongo aika kau-nigaira ni kakorakorai ara utu ao ni katamaroa ara mare. Te rongorongo aio man te *Riaona* e katuruturua naba koaua aika akea tokia, ma rekomentation aika a kona n nooraki ni kakabwaia maiura.

Ti tarai raoi ao ni kammwakura te reirei ae e tau aio? Ti bon kinai ao n nakonako nakon kanikina n te aba aikai aika koaua man bongana?

Te Bwainaoraki ibukin te Tiotio n te Tamnei

Kanikina n te aba aikai n te maiu n tamnei a bon rangi ni kakawaki ibukin kateimatoakira iaon te kawai ae eti man irariki. A anganira te kairiiri ae mataata nakon te kawai are ti riai n toua—ma tii ngkana ti kinai ao n nakonako nakoia.

Ngkana ti rawa ni kairaki man kanikina aikai, a na riki n akea nanoia, bwaai ni katamaroa aika akea mwanenenaia ma n ti n urua aki bibitakin te maiu.

E bon aki tau bwa ti na kairaki ti man are e tuangiira nanora.

E bon aki tau bwa ti na karekea nanora are ti tangiria are te kabanea n tamaroa.

E aki tau bwa ti na onimakina ara bwai n namakin n rabwatara.

E ngae ngkana ti iangoia bwa ti ira te kawai n tamnei ae eti, n akean kanikina n te aba aika koaua ni kairiiri—n akea te kairiiri n te Tamnei—ti na kona n tara n tiotio.

Aingaia are, ti a, kauki matara ao noori kanikina n te aba aikai are Atuara ae tituaraoi e a tia ni katauraoi nakoia Natina. Ti a warekia, n ongora, ao kammwakura ana taeka te Atua. Ti a tataro ma nanora ae koaua ao n ongora nakon ao n ira ana wirikiriki te Tamnei. Ngkana ti a tia ni kinai kanikina n te aba aikai are e anganiira Tamara are i Karawa ae tangiraki, ti riai ni karaoi ara kooti man bwaai akanne. Ti riai naba ni karaoi kaetakin

ara kooti n te tai ae titebo mania ngkai ti kairiira nakon kanikina n tamnei akanne.

N te kawai aio, ti na kona n aki tiotio i nanon mronron ma n nakonako ma te onimaki ao te koaua nakon te kakabwaia mai karawa ae korakora anne are bon inaomataia man rikiia ni kabane ake a nakonako n te kawai ae eti man irariki are kawaia ana reirei Kristo.

BWAI AIKA A NA TARAAKI

1. Tara Jan L. Souman ao tabeman, "Walking in Circles," *Current Biology* 19 (Tebetembwa, 29, 2009), 1538, cell.com/current-biology/issue?pii=S0960-9822(09)X0019-9.
2. Tara, ibukin te katooto, "A Mystery: Why Can't We Walk Straight?" npr.org/blogs/krulwich/2011/06/01/131050832/a-mystery-why-can-t-we-walk-straight.

REIREI MAN TE RONGORONGO AEI

Ngkai ko katauraoi n anga reirei man te rongorongo aio, ko kona ni kakae man booki aika tabu ibukin katotoo n aomata ake a kairaki man kanikina n tamnei ke aomata ake a tiotio i nanon mronron. Ko kona ni moana am kamatebwai ma taeka aika tabu aikai: Warekaia Iteraera 14:26–33; 1Nibwaai 16:28–29; Aramwa 37:38–47. Ngkana ko namakina te wirikiriki, ko kona n tibwaia am taratara man katotoo aikai ma ake ko anga reirei iai. Titirakinia bwa terana are ti kona n reiakiina man karaki aikai.

RORONRIKIRAKE

Kanikina n te aba are e na kairiko Ngkoe

Beretitenti Uchtdorf e kabwarabwarai maungatabu ni kabuta ao booki aika tabu bwa kanikina ake a na buokiira n totokoa te tiotio n te tamnei. langoi raoi kanikina n te tamnei are a tia n roota ao ni kaira maium. Koroi am taneiai i nanon am tieonoro. Taeka aikai mai iroun Beretitenti Thomas S. Monson a na kona n ibuobuoki

E na aki kairiko rinanon taian kakatai aika a kanga-na am kakabwaia mairoun te tamanuea. E na kairiko rinanon bwaikorakin te maiu. E na aki karauaki n rukumaki ao ni kawakinaki n te tabo teuana am kakabwaia. E na aki maroroakinaki ke ni katanoataki. Ni koauana, e na warekaki. E na tangiraki. E na iriiraki.

"Am Kakabwaia mairoun te Tamanuea: Te Kambati ibukin te Ota," *Ensign*, Nobembwa, 1986, 66.

"Tamara are i Karawa e aki kamwanangaira nakon te rikirake are akea tokina n aki katauraoira ma kawai ake ti na kona ni karekei mai Irouna kairiiri ni kakoaua okira ae mano. I taekina te tataro. I taekina naba taian wirikiriki man te bwana ae marara n rau."

"The Race of Life," *Liahona*, Meei 2012, 92.

ATAEI

I Kona ni Kakaea Kawaiu

Beretitenti Uchtdorf e taku bwa ti kainnanoa irakin te kainikina n tamnei ibukina a na buokiira n rinea te tamaroa ao n roko ni kania te Tia Kamaiu. Tabeua taian kanikina aikai bon te tataro, booki aika tabu, maungatabu ni kabuta, ao te *Riaona*.

Ma am utu, wareka te taetae man te maungatabu ni kabuta ae nako. Terana are e taku te tia taetae bwa ti na karaoia ti aonga n tiku n te kawai ae eti? Karaoi am kouru ma am utu ni kammwakura are kam a tia n reirei iai.



Kukurei n Rongorongan te utu

Tataro mwaaka ni kamatebwai te bwai n reirei aei, n arona ae riai, maroroakinna ma aine ake ko kawariia. Kabonganai titiraki bwa a na buokiko ni kakorakoraia aine ao ni karaoa te Bootaki n Aine bwa iteran maium ae kakaawaki. Ibukin rongoronga riki tabeua, nakon reliefsoociety_lds.org.

Onimaki, Utu, Buoka

Unimwaane Russell M. Nelson man te Kooram n Abotoro are te Tengaun ma Uoman e a tia n anga reirei bwa Nanon Eria bon “kaotakin te Tamnei ae Raioiroi ni kaota te kakoaua ibukin aron te utu ae tabu.”¹

N rikira bwa membwa n ana Ekareti Kristo are e kaokaki, iai tabera n te berita ae tabe ni kakaia are bakatibu ao ni karekea ibukiia otenanti ni kamaiu n te euangkerio. Bwa a na aki kakoroaki raoi ngkana a aki raonaki i roura (Ebera 11:40), ao ai arora naba ae tiaki kona ni kakoroaki raoi n aki raonaki irouia ara mate (D&C 128:15).

Te mwakuri ibukin rongorongoia ara utu e katauraoira ibukin kababwaia n te maiu ae akea tokina ao ni buokiira ni karikirakea ara onimaki ao tamaroara i bon iroura. Rongorongan te utu bon te mwakoro ae kakawaki ibukin ana mwakuri te Ekareti ao e kanakoraoa te mwakuri ni kamaiu ao te karietataki ibukira ni kabane.

Beretitenti Boyd K. Packer, te Beretitenti n te Kooram n Abotorao

are te Tengaun ma Uoman, e taku: “Ngkana ti karaoa ara kakaae i aon oin ara bakatibu ti rikirake ni kan karaoia n raka riki nakon ae tii taihan ara. . . . Ara kan karaoia e raira nanora nakoia ara bakatibu—ti kataia ni kuneia ao n ataia ao ni beku ibukia.”²

Man Koroboki aika Tabu

Maraki 4:5–6; 1-I Korinto 15:29; D&C 124:28–36; 128:15

Man Ara Rongorongo ni Kawai

Te Burabeti Iotebwa Timiti e anga reirei, “Te kabanea n tabe ae rangi ni kakaawaki n te aonaaba aio are e a tia te Atua n anganiira bon kakaaekiia ara mate.”³ Ti kona ni mwakuri bwa taan onomwi n te tembora ibukiia ara bakatibu ake a tia ni mate ao ni karaoi otenanti aika riai ibukiia.

Sally Randall mai Nauvoo, Illinois, ae natia te mwaane ae te 14 ana ririki e mate, e namakina te karaunano ae korakora i nanon te berita are te utu ae akea tokina. Imwiin buuna te mwaane ngke

e bwabetitoaki ibukin natina te mwaane, e koroboki nakoia ana utu: “Ai mimitongira te bwai are ngaira ti . . . kona ni bwabetitoaki ibukiia ara mate ni kabane [bakatibu] ao ni kamaiuia are ti bon kona ni karekei rongorongoia.” Imwiina e tuangia ana utu ni kanakoa nakoina rongorongoia aia bakatibu, n taku, “I kan karaoa are I kona ni kamaiuia [ara bakatibu].”⁴

BWAI AIKA A NA TARAAKI

1. Russell M. Nelson, “A New Harvest Time,” *Liahona*, Turai 1998, 34.
2. Boyd K. Packer, “Your Family History: Getting Started,” *Liahona*, Nobembwa. 2011, 17.
3. *Teachings of Presidents of the Church: Joseph Smith* (2007), 475.
4. Taraa Daughters in My Kingdom: The History and Work of Relief Society (2011), 20–21.

Tera ae I Kona ni Karaoia?

- 1.** N na kanga ni buokiia aine ake I tararuia bwa a na karaoa rongorongan te utu?
- 2.** I bon rekootina bon oin rongorongou?